



Īvuku ya ngewa

1



★ Kīla Kītumaa Ndunduli
Īūlūka Ūtukū

★ Kavalūkū na Mbiti



Primary Math and Reading (PRIMR) Initiative

Kikamba

Mũvea

- Ministry of Education, Science and Technology (MoEST)
- UK Department for International Development (DFID)
- RTI International
- SIL LEAD

Kīla Kītumaa Ndunduli Īūlūka Ūtukū


Mūandīki: **Angelina Kīoko**

Mūsoli: **Simon Ndonye**

Kuma tene,
Nyūnyi
na nyamū
ila ingī
syoonaa
ndunduli
ta mbūī
mūno.



Vala ve ĩkoani ndunduli nīyo
yeetawa ĩkasilany'e.




Mũthenya ũmwe mbūkũ
nĩyaendie kwa ndunduli na
yamĩkũlya ta ũũ, “Mũnene,
nĩenda ũndavye ĩla mbũĩ kwĩ
ĩngĩ katĩ wa ngũkũ nzaũ na
ngũkũ nziũ?”

Mūsili ndunduli asūngĩa asya,
“Ūsu nĩ ūndũ mūvũthũ. Ngūkũ
ĩla nziũ nĩyo mbũĩ. Nũndũ
nĩtonya ũlekya ĩtumbĩ yeũ na
ngūkũ nzaũ nditonya kũlekya
ĩtumbĩ yiũ.”


Mūsili Ndunduli niwatumie
mbūkũ ĩkamanthe ngūkũ nzaũ
na nziũ.

Syavika nĩsyatatie ũlekya
matumbĩ syaemwa.



“Nūseo mūno, mūsili,” Mbūkū
yamwīa, “īndī eethīwa ūī waku
wīana ūu, we nūtonya ūlekya
ītumbī yiū?”

“Nditonya nīkī?” Mūsili
ndunduli amūkūlya. Na
ndunduli yathi ngunganī
kūlekya ītumbī yiū.



Yathi yalekya ãtumbĩ na yeethĩa
nĩ yeũ. Kwa ũu yasonoka na
yalika kũkĩa kwonana na nyamũ
ila ingĩ.

Kĩu nĩkyo kītumaa ndunduli
ĩtaumaala mũthenya. Yumaalaa
ũtukũ katĩ.

Mokūlyo

1. Nūū ũla weetawa vala ve makoani?
2. Ni ngūkū yīva ĩla yaĩ mbūĩ kwĩ ila ĩngĩ?
3. Ndunduli yaendie va kūlekya ĩtumbĩ?
4. Nĩ kyaū kītumaa ndunduli ĩtaumaala mūthenya?
5. Ngūkū nziū nĩtonya kūlekya ĩtumbĩ yiū?


Kavalūkū na Mbiti

Mũandĩki: **Anne M. Nguli**

Mūsoli: **Simon Ndonye**

Mũthenya ũmwe Kavalūkū na
Mbiti maendie kũsyĩma.

Na mooaa nganga nene.





Īndĩ menũka meethĩa kũte
kĩw'ũ.


Kavalũkũ eea Mbiti athi akaute
kĩw'ũ ũsĩnĩ.


Na amũnenga kĩkuu kĩtonyange
maima ĩtina.

Nũndũ Mbiti aĩ mũtumanu alea
kwona maima.

Na athi ũsĩnĩ ambĩlĩĩlya kũtavĩĩa
kĩw'ũ kĩkuunĩ.

Ĩndĩ Mbiti atavĩĩie kĩw'ũ kĩkuunĩ
okĩtĩkĩte nthĩ.






Nake Kavalūkū eeta mbiti
akalaate kīw'ū nganga
ndīkaūngūe.

Īndī mbiti aendeea kūutīia
kīkuu kītekusūa.

Kavalūkū avīvya nganga na aya
yonthē e weka.

Yĩla mbiti yesie kũnoa nĩ kũutĩia
kĩkuu kĩtekũsũa yasyoka vala ve
kavalũkũ ĩthatĩte vyũ.

Yavika Kavalũkũ amwĩa, “Yu
na nĩtindie ngwĩtĩte walea
ũsembya kĩw’ũ, nganga
ndĩũngũie vyũ!”



Mbiti eew’a ũu oosa nzũma
akũne kavalũkũ nake Kavalũkũ
asemba.

Na ĩndĩ ndũũ yoo yakw’a.



Mokũlyo

1. Kavalukũ atumie mbiti kwĩka ata?
2. Kavalũkũ eekie ata?
3. Kavalũkũ eeie mbiti ata alea kwĩthĩa nyama?
4. Ndũũ ya kavalũkũ na mbiti yakwie nĩkĩ?

★ Kĩla Kĩtumaa Ndunduli Īlũka Ūtukũ

★ Kavalũkũ na Mbiti

Mavuku ma PRIMR maandikitwe kwa nzĩa yĩ mwanya nĩ kana matetheesye syana sya kĩlasi kya mbee na kya kelĩ mendeewe nĩ kũneena, kũsoma na kũandika kĩkamba.

Ngewa ila syĩ mavukuni aa nĩsyautetheesya syana syende kũsoma kĩkamba nza wa kĩlasi na kũlilikana kĩla masoma. Mavuku aa nĩmailite kwa asomi ma kĩkamba kwa ūndũ maandikitwe matetheesye ūmanyisyani wa kĩthyomo kya kĩkamba.

Kwĩanisa maundu aa oonthe, ngewa ila syi mavukuni aa nĩsuaniite:

- Kūtũmia kĩthyomo kīvuthu na kĩla kĩna mĩsoa mĩkuvi.
- Mavisa mena langi mũseo na maitavanitye ngewa yonthe ĩndi matũmiitwe kunenga syana mea ma kwenda kũsoma kĩla kĩ ngewani ĩsu.
- Kĩthyomo kīvuthu kwa kũelewa ĩndi kĩtuma syana syi sily'a muno yĩlu wa kila ma soma.

Mavuku ala angĩ nĩ:

- *Kĩla Kĩtumaa Ndunduli Īlũka Ūtukũ* **na** *Kavalũkũ na Mbiti*
- *Kĩmena kya Ngũkũ na Ndiũ* **na** *Wambũa na Nyũnyi*
- *Kũkũaniwà Īkwasi na Waliku* **na** *Ūwau wa Mũthelo*
- *Mbiti Īendaa Īithua Nĩkĩ?* **na** *Nguu na Ndiũ*
- *Mũeni na Katoonu* **na** *Kĩmeu na Kasũkũ*